

# Karetao

*Te hanga i tētahi karetao mati kararehe*

## Ngā Taputapu

- He tīhore niupepa
- He rango muku ringa
- He waipia pepapātū

*Māu rānei tō ake waipia e  
whakaritea me ēnei raunga:*

*1 kapu paraoa puehu*

*1 kapu wai*

- He kutikuti
- He peita kiriaku
- He paraihe peita
- He paraihe hautai
- He kapeniho
- He horoi paipa
- He papanga
- He kāpia haratau
- He tēpa piri purata

## Ngā Tohutohu

1. Wāhia te rango muku ki ngā wāhanga e rua
2. Whakaritea te waipia pepa whakapiripiri:
  - toua ngā tīhore niupepa ki te waipia
  - kei māku rawa, mukua te tuhene waipia
  - whakatakotoria te tīhore niupepa tuatahi ki te rango
  - hoki atu ki te pēnā tae noa ki te wā ka kapia katoatia te rango ki te pepa whakapiripiri hāunga te tūāpapa, arā, te wāhanga o raro (koinei te wāhi ka whakaurua ai ō matimati)
  - kia rua, neke atu rānei, ngā papanga niupepa
  - whakahuenetia, ā, waiho ki tētahi pae whakamaroke mō te 24 hāora
  - tōaitia ēnei mahi me ngā rango katoa.

3. Kia maroke ngā rango, peitahia ki tētahi tae me te paraihe hautai
4. Tāngia tōna mata, ōna tae, ōna tohu, ōna aha noa rānei me te peita. He pai te kapeniho mō tēnei mahi

He paku tīwhiri...peitahia ngā tongi ki tētahi tae, ā, peitahia tētahi hua ki ētahi o ngā tongi ki tētahi atu tae...

5. Tapahia he taringa i te papanga, ā, whakapirihia ki te taumata o te karetao. Ka pai te horoi paipa hei whiore.

Kua rite katoa ngā karetao kararehe ki te tūhura haere!

